

مجموعه ابوالضیا

ماسوا شایسته شدن دلی تطهیر چالش
پرتو حکمت و عرفان ایله تنویر آتش

علوم و معارفین بحث ایدر. و هر ماه عرفی ابتدایله اون بشته نشر اولنور فنون غلامه پیدر.

نومرو ۹ [فی ۱۵ محرم سنه ۱۲۹۸] نسخه می ۳ فروش

ادبیات

خرده بین

(کمال بک القندینکدر *)

بوندن براق عصر اول خرده بین کبی نظر حکیم تجرباتی طبیعتک
اک خفی ذراته محرم ایده جک و عوالم علویه بی کونشیه، قریله، سیاراتیه
انسانیتک آباغنه کتیره جک مرتبه بدیع و نافع بر ایجاد حقیقت نمائک مخترعی
سحار لقله اتهام و بناء علیه آتش ظلم ایچنده اعدام ایده جک قدر جاهل و غافل
اولان جمعیات مدینه نک بو کونکی کونده تحقیقات فکریه به معاون اوله جق
اک کوچوک بر اختراعی بیله عالم بالادن بر یادکار حقیقت و او بولده اولان
آثارک صاحب و بلکه مبلغرینه بر هاتف غیب هدایت نظریله باققده
اولدق لرینی تأمل ایتک ابنای جنسmerk فطره نه درجه لوده ترقی به قائل و مائل
اولدقغنی بدیهیات نظریه درجه لونده وضوحه چیقاریر .

طلمک خزائن الکتب معارفه باقلسون ! ایکی عصر اخیرک محصولات
عرفانی ادوار سابقه نک آثارینه بالکز احتوائی حقایقه دکل کثرنده دخی
بیک درجه فائق کورینور .

(*) (خرده) بین عنوانیه بر زمان نشری تصور اولنان بر مجموعه موقوفه ایچون مقدمه اولوق اوزره یازمشدر *

عجیباً قدمائک دقایق طبیعتده اونحریات فوق العاده واقدمات
مجاهدانه لایله برابر آلتی بیک سنهده استخراج ایده بیلدکری جواهر معرفت
نیچون بر قاج عصرک مکسوبات وعلاواتنه تقابل ایده میور ؟
اوت ! شوونک ایچون که ؛ فطرت بشر تلاحق افکاردن بری اولدقجه
ایلر یلمکه پک آرز مستعد واستکمات خاضریه اجتماع مزیتی سبب منفرد
اولدینی حکمه انواع دلائل ایله اثبات اولنه یلیر .

ایکی یوقدن هیچ برشی حاصل اولماق قاعده طبیعیه سنه نظراً ایکی
آدمک بریده بولمنسی خارجدن بر معاونت منضم اولدقجه خواص طبیعیه
ومعنویه لینی تزید ایدمیه جکی میدانده در ؛ نته کیم اجتماع اوزره یشامق
انسانه منحصر اولدینی حالده مشترکین خلقت وباطویل و کچنمک خصو -
صنجه رفیق طبیعتز اولان حیواناتک هیچ برنده و هله اکثرنده اثر ترقی
کور یله میور ؛ کور و لسه یله - شو ضعیف وجود یله کره زمینی ید اقتدارنده
بر باز یجه انقلاب حالته کتیرن و ارادات جزویه سنه طبیعت کلیه بی خادم
ایلیان - انسانک استکمالات خارق العاده و آثار اعجاز کارانه سنه قیاس
اولنجه الک قوتلی خرده بین ایله دخی کور یله میه جک جزو فردینک قوجه
بر کره یه نسبتی حکمنده قالیور !

انسانده بر حیوان ایکن سائر شرکای فطرتنه قارشی بو قدر نفوق ؛
بو قدر مزیت ابراز ایده بیلمنه سبب نه در ؟
اوت ! سبب شودر که ؛ او مخلوق ضعیف بخشایش قدر تن - حجت
بالغه صمدانیه اولان و نامنه روح دینیلان - بر امانت کبرایه نائل اولمش ؛
آنک خواص لازمه سندن اولان نظر قوت یله یکدیگرینی کورنجه ناطقه
خاصه سیله سائر لینه مرانی افاده ؛ عاقله سایه سنده سائر لک مرانی استفاده
ایدیور .

« سبحان ربنا الاعلی » هر یرده حاضر و ناظر اولان صانع حقیقینک
انسانه احسان ابتدییکی نظر نه بیوک بر خرده بیندر که خاصه ذاتیه سیله

کوره بیلدیکی اجزانک بر قاچ پیک قات پیو کئی — کوستره بیلجک آلات
استعمالنه مقتدر اولیور !

سبحان من قال « وما ينطق عن الهوى » ابنای جنسمزه منحصر اولان
واسطه ناطقه نه غریب بر معجزه قدرتدر که طبعاً بر دائره افقیه داخلنده
اسماع مرام ایتکدن عاجز ایکن تلاحق افکاره اولان خدمتی سایه سنده
بر نطقک مألئی آن واحده اقصای شرقدن منتهای غربه یتشددیر جک
واسطه ایجادینه آلت اولیور !

« سبحانک یا من خلق الخلق وسواه » اک ناچیز بر ذره آفتاب
حکمتک اولان عاقله نه منور بر خورشید معرفتدر که بو قدر عوالم نورانی
ساحه قدرتنده برر ذره دن عبارت اولدیغنی بیلکله برابر ذرات شعاعاته
وارنجده قدر تدقیقنه اقتدار حاصل ایدیور .

بونجه بدایع عظیمه نک علت اصلیه ظهوری ایسه « تعاونوا » فرماننه
اتباع نیایندن اولان تلاحق افکاردر؛ خرده بینک نظره خدمتی نه درجه ده
ایسه مطبوعاتک تلاحق افکاره معاونتی ده همان آکا یقیندر؛ دینیه بیلیر .
نظر خرده بین قوتیه بر عالمدن بر عالمه انتقال ایدر ایسه افکار ده
مطبوعات سایه سنده بر جهانک هر طرفنده، هر گوشه سنده بر برینه التحاق
ایدر . نظر خرده بین واسطه سیله موجوداتک پک کوچکلرینی کورمکه
موفق اوله بیلیرسه افکارده مطبوعات معرفتیه معلوماتک پک پیوکلرینه
التصاق ایلر .

حتی اعصار اخیریه کشفیات و تحقیقاتجه ادوار قدیمیه نسبت
« تیمور بولی » سرعتیه مقصد اقصای کالاته سوق ایدن وسائطک اک
پیوکی دخی — ماء الحیات معارفک حرارت غریزه سعی ایله بخرندن حاصل
اولمش قوه انبساطی — دینلکه سزاوار اولان مطبوعاتک خواص آلیه
بشریه بی تحریک و اداره ده کوستردیکی قدرت فوق العاده در .

ایشته بالاده عرض اولنان مناسبتلرله در که شو رسالهیه مطبوعاتندن
کنایه خرده بین تسمیه ایلدک .

بوندن مراد عاجزانه مز بر فکر خرده بین ابله یکی بر سیاره ویا علل
سارینک سببی اولان هوامدن یکی برنوع کشف ایدرجه سنه بر طاقم آثار
فوق العاده ابرازی ادعاسنده بولمق دکل اثر عاجزانه مزك دخی انتشار
معارفه برخادم اولدیغنی بیان ایتکدر .

فراققلنك طریق معاشی

(مابعد)

زیرا کوچوک بر اهلالمک بیوک بر فئالق حاصل ایتدیکی بک چوق کو-
رلمشدر . نته کیم: بر مینک نقصانی بر نعلک غائب اولسنی، بر نعلک غائب
اولسنی بر آنک ضایع اولسنی، بر آنک ضایع اولسنی سوارینک هلاک او-
لسنی نتیجه وبربر .

چونکه دشمن بنشوب ایشنی بتیربر . بونلرک هپسی ده بئکنک بر مینجه
دقت ایتمکدن ایلری کلیر . ایشته قومشورلم! سعی وغیر وهر کسک
کمدی ایشنی ایچون صرف ایتمسی الزم اولان دقت حقنده بو وصایا کا-
قیدر؛ فقط سعی وغیرمزك موفقیتندن امین اولمق ایسترسهك بوکا برده
اعتدال علاوه ایتلی یز .

بر آدم مصرفنی ایرادینه اویدیره رق اداره ایتمزسه مدت عمرنده باشنی
ایشندن قالدیرمدیغنی حالده دخی ینه بر آقجه صاحبی اولمادن فوت اولور .
زیرا راجل صالح ریشار دیمشدر که « مطبخ نه قدر یاغلی اولور سه میراث
او قدر ضعیف اولور . »

قادیلر بز طوقومه بی، ارککلر عشرنه طالهرق، چکیچی، کسری
ترك ایدهلی نیجه تروتلر قزانلیسر قزانلیز محو اولمقده درلر . اگر زنکین